

**Namminersornerullutik Oqartussat missingersuutaat pillugit Inatsisartut inatsisaata allangortinneqarneranik Inatsisartut inatsisaat nr. 30, 23. november 2017-imeersoq (2018-imut aningaasanut inatsisit, nunamut tamarmut akileraarut, kommunimut akileraarut, kommunit missingersuutaat aamma ulluunerani paaqqinniffinnut akiliut).**

## § 1

Namminersornerullutik Oqartussat missingersuutaat pillugit Inatsisartut inatsisaanni nr. 8, 29. oktober 1999-imeersumi, Inatsisartut inatsisaanni nr. 1, 23. maj 2000-imeersumi aammalu kingullermik Inatsisartut inatsisaanni nr. 18, 9. november 2016-imeersumi allangortinneqartumi makkua allangortinneqarput:

1. § 10-imi *imm. 2-6*-itut nutaatut ilanngunneqarput:

*Imm. 2.* 2018-imut aningaasanut inatsit kingusinnerpaamik ulloq 20. november 2017 akuerineqassaaq.

*Imm. 3.* 2018-imut nunamut tamarmut akileraarummut akileraarusiineri procentiliussaq kingusinnerpaamik ulloq 20. november 2017 aalajangersarneqassaaq.

*Imm. 4.* 2018-imut immikkut nunamut tamarmut akileraarummut akileraarusiineri procentiliussaq kingusinnerpaamik ulloq 20. november 2017 aalajangersarneqassaaq.

*Imm. 5.* 2018-imut kommunimut akileraarummut akileraarusiineri procentiliussaq kingusinnerpaamik ulloq 5. december 2017 aalajangersarneqassaaq.

*Imm. 6.* Meeqqat, meeqqanut sulii atualersimanngitsunut kommunip ulluunerani neqeroorutaaniinnerannut, 2018-imut akigititassat kingusinnerpaamik ulloq 5. december 2017 aalajangersarneqassapput."

## § 2

Inatsisartut inatsisaat manna Inatsisartuni akuerineqarnermi kingorna ingerlaannaq atuutilerpoq. Inatsit ulloq 31. december 2017 tikillugu atuuppoq.

*Namminersorlutik Oqartussat, ulloq 23. november 2017.*



Kim Kielsen